



UNIVERSITÄTS-
BIBLIOTHEK
PADERBORN

Crisis Theologica

Cárdenes, Juan de

Sevilla, 1687

Cap. I. Refertur opinio damnata, & præmittuntur aliqua.

[urn:nbn:de:hbz:466:1-75689](#)

sermonem transfero. Et vobis iniungimus, & præcipimus, ut qualiter cumque intelligatis, violari quoquo modo prafatum decretum, denuncietis, & deferatis coram nobis, aut coram quocumque Inquisitore horum Regnorum, ad quos privative spectat, & pertinet cognitio huius causa; vel ante quemcumque Commissarium Sancti Officij Inquisitionis, intra decem dies, qui numerari incipient à die publicationis huius editti. Quæ ita facite, & observe sub pena excommunicationis majoris latæ sententia trina canonica monitione præmissa: & sub multa, &c.

279. In alienis autem Regnis, ubi neque Episcopi, neque Inquisitores promulgarunt edictum denunciandi, an denunciare teneantur, qui certo sciverint, aliquem contravenire huic decreto; ex regulis generalibus, quas tradunt doctores de obligatione denunciandi ea, quæ spectant ad famam Ecclesiæ doctrinam, hæc quæstio decidenda est.

DISERTATIO II.

An semper teneamur sequi in praxi opinionem tutiorem circa valorem cuiuslibet Sacramenti?

C A P V T I.

Refertur opinio damnata, & præmittuntur aliqua.

SVMMARIVM.

In Baptismo, & ordine semper eligenda est opinio tutior circa valorem. n. 2. Non potest eligi ad praxim opinio minus tuta circa valorem, quando id vetat lex, conventio, aut periculum gravis damni. n. 3. Non subiacet damnationi opinio minus

tuta, quæ non versatur circa valorem. n. 4.

In urgente necessitate eligitur opinio minus tuta circa valorem, quando tutior non potest ad præsim deduci. n. 5. Et hoc colligitur ex ipsa damnatione. n. 6. Vbi supra quem terminum cadat particula tantum.

1. **P**rima opinio damnata in Decreto Innocentij XI. hæc est: *Non est illicitum in Sacramentis conferendis sequi opinionem probabilem de valore Sacramenti, relicta tutoire, nisi id vetet lex, conventio, aut periculum gravis damni incurriendi. Hinc sententia probabili tantum utendum non est in collatione Baptismi, Ordinis Sacerdotalis, aut Episcopalis.*

2. Circa cuius propositionis materiam tria supponenda sunt tamquam certa. Primum est, id quod ipsa propositio supponit, scilicet in Baptismo, & Ordine, semper eligendam esse opinionem tutiorem circa valorem Sacramenti: quia si in Baptismo, vel Ordine eligatur opinio minus tuta, magna incommoda sequentur in perniciem salutis animarum. In Baptismo quidem periculum damnationis æternæ in Baptizato. In Ordine autem Sacerdotali sequitur periculum nullitatis consecrationis, & absolutionis Sacramentalis si eam exerceat sic ordinatus. In Ordine autem Episcopali sequitur periculum nullitatis Ordinum, quos confert, & inde innumera alia absurdæ, quæ ex ea nullitate sequi, quilibet coniicere potest.

3. Secundum est, esse certum id alterum, quod supponitur in ipsa propositione damnata, nempe non posse ad praxim eligi opinionem minus tutam circa valorem Sacramenti, quando id vetat lex, conventio, aut periculum gravis damni incurriendi. Et quidem in Principe Ecclesiastico est potestas ferendi legem, quæ prohibeat

vsum

vsum talis opinonis minus tutæ. Item si inter confessarium, & pœnitentem detur conventio, qua se obliget confessarius ad non vtendum opinione minus tuta circa absolutionem eius poenitentiis, conventio ista erit novus titulus pro obligatione eligendi opinionem tutiorem. Deinde si ex electione minus tutæ opinionis impendeat periculum gravis damni, certum etiam est, eam eligi non posse: semper enim gravi obligatione tenemur vitandi periculum gravis damni, sive proprium, sive proximi.

4. Tertium est etiam certum, non contineri sub ea damnatione electio nem opinionis minus tutæ, quæ non versatur circa valorem Sacramenti, sed solum circa modum administrandi illud. v. g. Si quis laicus conferret Baptismum in necessitate, & opinio, quæ asserit, illum licite posse baptizare, quamvis sit in statu peccati mortalis, esset minus probabilis, & minus tuta; adhuc non esset contra præfatam damnationem deducere ad præsum eam opinionem.

5. Deinde certum est in casu urgentis necessitatis eligi posse ad præsum opinionem minus tutam, quando opinio tuior non possit ad præsum deduci: v. g. si infans est moribundus, & non inveniatur aqua naturalis, & præsto sit lixivium, debet baptizari infans in lixivio sub conditione, vt si forte sit materia Sacramenti, possit consequi vitam æternam, non obstante periculo frustrationis Sacramenti. Rationem reddunt aliqui, quia salus æterna proximi præferenda est reverentiæ Sacramenti, quod ad salutem animarum institutum est. Sed melius dicimus, in eo casu necessitatis nullam fieri irreverenciam Sacramento, quia ipsa necessitas omnino auferit irreverentiam. Sic loqui Sacerdotem in Ecclesia intra Diuina Officia irreverentia est; si ta-

men necessitas vrgeat, vt postulet aliquid necessarium ad Sacrificium, omnino cessat irreverentia.

6. Et hæc assertio de opinione minus tuta eligenda in casu urgentis necessitatis colligitur etiam ex ipsa damnatione propositionis, illis verbis: *relicta tuiore*, quia in eo casu urgentis necessitatis, cum impossibile sit eligi tuiorem, quæ est de Baptismo cum aqua naturali, non relinquitur tuior; non enim dicimus relinquete, nisi quæ poteramus adhibere.

Rogabis, an in illis verbis: *Hinc sententia probabili tantum vtendum non est, &c.* illa particula exclusiva tantum cadat supra cum terminum probabili; an supra eam orationem *vtendum non est, &c.* Et respondeo magis proprie cadere supra illam orationem, *vtendum non est in collatione Baptismi, &c.* Nam cum ea proposicio damnata admittat tamquam licitum in reliquis Sacraementis vsum opinionis probabilis circa valorem relicta tuiori; hæc duo Sacraenta Baptismi, & Ordinis, excludit, proper periculum gravis damni, quod ex his ita administratis resistere potest.

Sed si quis intelligat, ita vt particula *tantum* cadat supra terminum *probabili*, non multum contendam, nam attento contextu eumdem sensum habet, quamvis non ita perspicuum.

